

आकाशवाणी

खबरां -----

1. प्रधानमंत्री नरेन्द्र मोदी होरें “वंदे मातरम” दी सराहना करदे होई आक्खेआ जे एह भारत माता प्रति भक्ति ते श्रद्धा ऐ जेड्ी असें गी इतिहास दा चेता दोआन्दा ऐ, वर्तमान गी आत्म-विश्वास कन्नै भरी दिन्दा ऐ। उनें “वंदे मातरम” दे 150 बरे पूरे होने दे सरबंध्यै च साल भर चलने आहले कार्यक्रमें दी शरुआत कीती।
2. बिहार विधानसभा चुनाव दे दूए ते अखीरले गेड आस्तै प्रचार बडी तेज रफ्तार कन्ने जारी ऐ। बक्ख बक्ख पार्टिए दे नेता मतदाताएं गी अपनी पार्टी दे पक्ख च करने लेई पूरे जोर कोशिश करा र'देन।
3. मेट्रो कनेक्टिविटी दे मामले च भारत दुनिया च त्रीहू थाहर पर ऐ आक्खेआ घरें-मकाने ते शैहरी ममाले दे मंत्री मनोहर लाल होरें।
4. सुप्रीम कोर्ट आवारा कुत्तें दे बददे खतरे कन्नै सार्वजनिक थाहरें गी सुरक्षित रखने ते राष्ट्रीय जरनैली शिडकें सोयां आवारा मवेशियें ते होरेनें दुए जानवरें गी हटाने आस्तै अज्ज केंई दिशा-निर्देश जारी कीते ना।
5. भारत नै तूफान मेलिसा कन्नै होई दी तबाई कन्ने निबडने आस्तै जमैका गी मानवीय सहायता पजाई।
6. मौसम विभाग नै अगले 48 घंटें दौरान मध्य भारत च घट्टो-घट्ट तापमान च दो सोयां चार डिग्री सेल्सियस दी गिरावट दी संभावना जताई ऐ।



## PM Vandemataram

प्रधानमंत्री नरेंद्र मोदी होंरें अज्ज नमी दिल्ली च राष्ट्रीय गीत "वंदे मातरम" दे 150 वरे पूरे होने दे सरबंघै च इक बरे तगर चलने आहले कार्यक्रम दा उद्घाटन कीता। प्रधानमंत्री होंरें इस मौके पर इक स्मारक डाक टिकट ते सिक्का बी जारी कीता। उनें **Vande Mataram150.in** पोर्टल बी जारी कीता। इसदे च लोक राष्ट्रीय गीत गान्दे होई अपनी वीडियो पाई सकदे न ते प्रमाण-पत्र हासिल करी सकदे न।

नमी दिल्ली च इंदिरा गांधी इंडोर स्टेडियम च आयोजित समारोह गी संबोधित करदे होई प्रधानमंत्री होंरें आक्खेआ जे "वंदे मातरम" इक मंत्र, इक ऊर्जा, इक सुखना ते इक संकल्प ऐ। उनें इसदी सराहना करदे होई आक्खेआ जे एह भारत माता प्रति भक्ति ते श्रद्धा ऐ जेडा असें गी इतिहास दा चेता दोआन्दा ऐ, वर्तमान गी आत्म-विश्वास कन्नै भरी दिन्दा ऐ ते भविष्य च इक नमें साहस दा संचार करदा ऐ जिसदे च एह विश्वास पैदा हुन्दा ऐ जे कुसै बी संकल्प ते लक्ष्य गी पूरा कीता जाई सकदा ऐ। उनें "वंदे मातरम" दे सामूहिक गान दी प्रशंसा करदे होई आक्खेआ जे इसदे सुखद अहसास गी शब्दें च जाहिर नेई कीता जाई सकदा। उने आक्खेआ जे बंकिमचंद्र चट्टोपाध्याय होंरें इस गीत दे राए स्वतंत्र, एकजुट ते समृद्ध भारत दा आह्वान कीता हा। प्रधानमंत्री होंरें दस्सेआ जे गुरुदेव रविन्द्र नाथ टैगोर होंरें इक बारी आक्खेआ हा जे बंकिम चंद्र हुन्दा आनंद मठ छडा इक उपन्यास नेई ऐ, एह स्वतंत्र भारत दा सुखना ऐ। बंकिमचंद्र चट्टोपाध्याय हुन्दे आस्सेआ लिखे गेदे हर शब्द दा गूढ मतलब हा। प्रधानमंत्री होंरें

आकखेआ जे वंदे “वंदो मातरम” हर युग च प्रासंगिक ऐ।

इस मौके पर दिल्ली दे उपराज्यपाल विनय कुमार सक्सेना, केंद्रीय संस्कृति ते सैलसफा मंत्री गजेन्द्र सिंह शेखावत ते दिल्ली दी मुख्यमंत्री रेखा गुप्ता शामिल हियां। श्री शेखावत होरें आकखेआ जे “वंदो मातरम” इक गीत नेई सगुआं राष्ट्रियता दी अभिव्यक्ति ऐ। उनें आकखेआ जे इस गीत नै स्वतंत्रता सेनानियें दे दिलें च विद्रोह दी भावना प्रज्वलित कीती ही, जिने अपनी आखिरी सांह तकर इस गीत गू अपनी जुबां पर रखेआ हा। उने आकखेआ जे “वंदो मातरम” एक भारत, श्रेष्ठ भारत दे मंत्र दे तौर पर हमेशा प्रासंगिक रहोग ते एक सौ 40 करोड़ भारतीयें दी शक्ति गी इकसूत्र च बन्निए रक्खोग।

वंदे मातरम दी रचना बंकिमचंद्र चटर्जी होरें अक्षय नवमी 7 नवंबर 1875 गी कीती ही। एह पैहली बारी साहित्यिक पत्रिका बंगदर्शन च उनदे उपन्यास आनंदमठ दे इक हिस्से दे तौर पर प्रकाशित होआ हा। मातृभूमि गी शक्ति, समृद्धि ते दिव्यता दे प्रतीक दे तौर पर चेता करदे होई एह गीत भारत दी एकता ते राष्ट्रिय गौरव दा स्थायी प्रतीक बनी गया।



## Prez V P Vandemataram

राष्ट्रपति द्रौपदी मुर्मु होरें राष्ट्रिय गीत “वंदो मातरम” दे 150 वरे पूरे होने दे मौके पर इसदा स्मरण कीता। सोशल मीडिया पोस्ट च राष्ट्रपति मुर्मु होरें आकखेआ जे उन्नीसवीं सदी च बंकिम चन्द्र चट्टोपाध्याय होरें ब्रिटिश हुकूमत खिलाफ सन्यासी विद्रोह

दी पृष्ठभूमि च “वंदे मातरम” दा जेडा अमर गीत रचेआ ओहू 1905 दे स्वदेशी आंदोलन दे मौके पर जन-जन दा प्रेरणा स्रोत बनी गेआ। उपराष्ट्रपति सी.पी. राधाकृष्णन होरें राष्ट्रीय गीत “वंदे मातरम” दी 150मीं बरेगढ दे मौके पर इसगी चेता कीता । सोशल मीडिया पोस्ट च श्री राधाकृष्णन होरें “वंदे मातरम” गी इक ऐसा शाश्वत गान दस्सेआ जिसने राष्ट्रवाद दी भावना गी जागृत कीता ते पीढ़ियें गी प्रेरित करदा रहोग।



## LG Vande Matram

लेफ्टिनेंट गवर्नर मनोज सिन्हा होरें “वंदे मातरम” दे 150 बरे पूरे होने दे मौके पर संस्कृति विभाग आसेआ जम्मू दे अभिनव थैटर च आयोजित बशेश कार्यक्रमै च हिस्सा लैता। इस मौके पर उ’नें राश्ट्री गीत दे ऐतिहासिक ते सांस्कृतिक महत्व ते भारत दी राश्ट्री चेतना पर एह्दे कदें नेई मिटने आह्ले असर उप्पर लोऽ पाई। श्री सिन्हा होरें भारत दी आजादी दी लड़ाई गी इक नमीं प्रेरणा देने लेई बंकिम चंद्र चटोपाध्याय होरें’गी श्रद्धांजलि अर्पित कीती। एल.जी होरें नौजवानें गी गुजारिश कीती जे ओहू राश्ट्री मुल्लें-कदरें गी बरकरार रक्खन ते भारत गी खुशहाल ते विकसित राश्ट्र बनाने लेई लगातार जोगदान दिं’दे रौह्ना। सांसद जुगल किशोर शर्मा ते होरनें बी केइएं नेताएं बी इस कार्यक्रमै च शिरकत कीती।



## PM Shah Article

प्रधानमंत्री नरेन्द्र मोदी होरें अज्ज वंदे मातरम दी 150मीं बरेगंड दे मौके पर केन्द्रीय गृह मंत्री अमित शाह हुन्दा लेख साझा कीता। सोशल मीडिया पोस्ट च श्री मोदी होरें आक्खेआ जे इस लेख च एह दस्सेआ गेआ ऐ जे किस चाल्ली वंदे मातरम जागृति दा प्रभात गीत बनी गेआ, जिसदे च सांस्कृतिक गौरव ते सभ्यतागत राष्ट्रवाद दा सम्मिश्रण हा। प्रधानमंत्री होरें आक्खेआ जे इस लेख च एह भी दस्सेआ गेआ ऐ जे वंदे मातरम गीत वरे 2047 तकर भारत गी भरोसेमंद, स्वावलंबी ते परतिए शीर्ष विकसित राष्ट्र बनाने दा सुखना साकार करने आस्तै प्रेरित करदा रहोग।



## Bihar Campaigning

बिहार विधानसभा चुनाव दे दूए ते अखीरले गेड आस्तै प्रचार बड्ी तेज रफ्तार कन्ने जारी ऐ। एन.डी.ए ते महागठबंधन दे वरिष्ठ नेता, स्टार प्रचारक ते होर दुए दलें दे नेता लगातार दौरे करा रदे ना। भाजपा दे वरिष्ठ नेता ते प्रधानमंत्री नरेन्द्र मोदी होरें औरंगाबाद च आक्खेआ जे एन.डी.ए बिहार गी विकसित राज्य बनाग। उनें आक्खेआ जे बिहार गी एन.डी.ए दे ईमानदार चुनाव घोषणा-पत्र पर भरोसा ऐ। श्री मोदी होरें दोष लाया जे कांग्रेस ते आर.जे.डी छड्ा माड्ा बरताव ते मानहानि दी राजनीति करदी ऐ। भाजपा दे वरिष्ठ नेता ते केन्द्रीय गृह मंत्री अमित शाह होरें आक्खेआ ऐ जे एन.डी.ए नै फैसला कीता ऐ जे सत्ता च वापसी द मगरा बिहार गी हाडे थवा मुक्त बनाने आस्तै बक्खरा मंत्रालय बनाया जाग। उने आक्खेआ जे कोसी, गंडक, गंगा ते केई होर नदियें दा पानी परतिए बिहार च हाड दी बजह नेई बनौग।

वरिष्ठ कांग्रेस नेता राहुल गांधी होंरें अमरपुर च जनसभा गी संबोधित कीता। उनें आक्खेआ जे एह चुना बिहार दे भविक्ख दे बारे च ना। श्री गांधी होंरें मतदाताएं सोयां ऐसी सरकार चुनने दा आग्रह कीता जेडऱी उन्दे आस्तै कम्म करै। ते जरूरत दे मौके पर उन्दे कन्नै खडोए। भागलपुर रैली च गांधी होंरें आरोप लाया जे करसानें, मजदूरें, लौहके कारोबारियें ते कर्मचारियें गी बर्बाद करने आस्तै जी.एस.टी लागू कीता गया। लोक जनशक्ति पार्टी - रामविलास दे राष्ट्रीय अध्यक्ष ते केंद्रीय मंत्री चिराग पासवान होंरें आक्खेआ जे बिहार दी जनता गी एन.डी.ए दी डबल इंजन सरकार पर पूरा भरोसा ऐ। विधानसभा चुनाव दे दूए ते अखीरी गेड च 11 नवंबर गी 20 जिलें दे 122 विधानसभा क्षेत्रें च मतदान होग। वोटें दी गिनतरी 14 नवंबर गी कीती जाग।



## Campaigning

जम्मू-कश्मीर च नवंबर गी होने आहले नगरोटा विधानसभा दे उप-चुनांऽ लेई प्रचार तेज होई गेआ ऐ। बक्ख-बक्ख सियासी दल मतदाताएं गी अपनी बक्खी करने लेई रैलियां ते जनसभा करा'रदे ना। पिछले ब'रे एम.एल.ए देवेन्द्र सिंह राणा हुं'दे काल मगरा एह सीट खाली होई गई ही। बी.जे.पी नै देवयानी राणा ते नेशनल कांफ्रेंस नै शमीम बेगम गी चुनांऽ मैदान च तोआरे दा ऐ।



## Hockey 100 Years

खेड मंत्री डॉ. मनसुख मांडविया होरें भारत दे हॉकी च गौरवशाली इतिहास ते वैश्विक मंच पर उसदे दबदबे गी चेता कीता। भारतीय हॉकी दे 100 बरे पूरे होने दे मौके पर अज्ज नमी दिल्ली च आयोजित इक कार्यक्रम गी संबोधित करदे होई डॉ. मांडविया होरें हॉकी खडारिएं दे खेडें सरबंधी कौशल दी सराहना कीती। उने मुश्कल समें च भी बक्ख बक्ख मैच जितिए भारत दा मान बदाने आस्तै खडारिएं दी सराहना कीती। श्री मांडविया होरें आक्खेआ जे भारतीय टीम नै चुनौतियें थवां सिक्ख लेईए जीत दी अपनी सदियें पुरानी विरासत गी परतिए हासिल कीता ऐ। खेड मंत्री होरें एफ.आई.एच हॉकी पुरुष जूनियर विश्व कप ट्रॉफी थवां बी पर्दा गोआरडेया। 28 नवम्बर सोयां 10 दिसंबर तक चलने आह्ला एह टूर्नामेंट चेन्नई ते मदुरै च आयोजित कीता जाग। टूर्नामेंट दे 24 मैचें चा 11 हजार 5 सौ थवां मते खडारी हिस्सा लैडन।

भारतीय हॉकी दे 100 वरे पूरे होने दे मौके पर अज्ज नमी दिल्ली च इक प्रदर्शनी मैच होआ। युवा मामले ते खेड मंत्री मनसुख मांडविया ते संसदीय मामलें दे मंत्री किरेन रिजिजू सनें केंई मन्ने परमन्ने दे लोकें इसदे च हिस्सा लैता। भारतीय हॉकी टीम दे साबका खडारी भी मैच दिखने आस्तै पुजे।



## Urban Mobility

घरें मकाने ते शैहरी ममाले दे मंत्री मनोहर लाल होरें आक्खेआ ऐ जे मेट्रो कनेक्टिविटी दे मामले च भारत दुनिया च त्रीहू थाहर पर ऐ। गुरुग्राम च 18में शैहरी गतिशिलता भारत सम्मेलन ते प्रदर्शनी च केंद्रीय मंत्री होरें आक्खेआ जे भारत दा मेट्रो नेटवर्क 1100

किलोमीटर सोयां मता होई गेआ ऐ। जिसदे च आई.आर.सी.टी.सी कन्नै जुडे दे रस्ते बी शामिल ना। इस उपलब्धि कन्नै भारत हुन मेट्रो कनेक्टिविटी च दुनिया च त्रीहू थाहर पर पुज्जी गेआ ऐ।

श्री मनोहर लाल होरें आक्खेआ जे मौजूदा भूमिगत पाइपलाइन कनेक्टिविटी परियोजना दे पूरा होने कन्नै भारत अमरीका गी पीछे छोड़दे होई दुनिया दा दूआ सबने थवा बड्डा मेट्रो नेटवर्क बनी जाग। शैहरी बुनियादी ढाँचे दे जतनें पर बल दिन्दे होई उने दस्सेआ जे दिल्ली च तौले गै इक विकास नीति शुरू कीती जाग। इस नीति दे तैहत हरियाणा च सफलतापूर्वक लागू कीते गेदे मॉडल दे बरोबर, मेट्रो स्टेशनं दे 500 मीटर दे दायरे च आवासीय परियोजना विकसित कीतियां जाडन। मेट्रो सेवाएं दे सकारात्मक असर पर बल दिन्दे होई मंत्री होरें दस्सेआ जे पिछले इक वरे च गै दिल्ली दे वायु प्रदूषण दे स्तर च 17 लक्ख पार्टिकुलेट मैटर यूनिट दी कमी आई ऐ। उने आक्खेआ जे मेट्रो प्रणाली नै नागरिकें गी सालाना लगभग 27 करोड़ घंटे बचाने च मदद कीती ऐ ते लगभग दो लक्ख 50 हजार लीटर डीज़ल दी भी बचत होई ऐ।



## SC Stray Dogs

सुप्रीम कोर्ट नै आवारा कुत्ते दे बददे खतरे कन्नै सार्वजनिक थाहरें गी सुरक्षित रखने ते राष्ट्रीय जरनैली शिडकें सोयां आवारा मवेशियें ते होरेनें दुए जानवरें गी हटाने आस्ते अज्ज केंई दिशा-निर्देश जारी कीते ना। न्यायमूर्ति विक्रम नाथ, न्यायमूर्ति संदीप मेहता ते न्यायमूर्ति एन.वी अंजारिया हुन्दी पीठ नै देशै च आवारा कुत्तें दे प्रबंधन कन्नै जुडे दे

मामले च आपू संज्ञान लैन्दे होई सुनवाई च हर शैक्षिक संस॑थान, अस्प॑ताल, सार्वजनिक खेड परिसर, बस स्टँड ते रेलवे स्टेशनें पर आवारा कुत्तेदे औने गी रोकने आस्तै सेई चाल्ली कन्ने रोक लाने दे निर्देश दिते ना। अदालतै पशु जन्म नियंत्रण नियम, 2023 दे तैहत मुकामी नगर निकायें सोयां ऐसी थाहरें सोयां जानवरें गी नियमित तौर पर चुक्किए जरूरी टीककरण ते नसबंदी मगरा चय आश्रय थाहरें पर भेजने गी आक्खेआ ऐ। अदालतै आक्खेआ ऐ जे सारे राज्यें ते केंद्र शासित प्रदेशें दे मुख सचिवें गी इसदी सखती नै पालमा यकीनी करोआनी होग।



## India Jamacia

भारत नै तूफान मेलिसा कन्ने होई दी तबाई कन्ने निबडने आस्तै जमैका गी मानवीय सहायता पजाई। जमैका स्थित भारतीय उच्चायोग नै सोशल मीडिया पोस्ट च दस्सेआ जे कल भारतीय वायु सेना दे इक जहाजे राएं लगभग 20 टन मानवीय सहायता ते आपदा राहत दी इक खेप कैरेबियाई राष्ट्र गी भेजी गई। राहत सामग्री च खास मेडिकल ट्रॉमा यूनिट, जनरेटर, टेंट, बिस्तर, चटाई, रसोई किट, सौर लालटेन, स्वच्छता किट ते तूफान मगरा दी स्थिति कननै निबडने आस्तै होर दुआ जरूरी समेयान शामिल ऐ। एह खेप जमैका च भारत दे उच्चायुक्त मयंक जोशी होरें जमैका दी विदेश व्यापार मंत्री कामिना जॉनसन स्मिथ होरें गी सौंपी।



## IMD

मौसम विभाग नै तमिलनाडु, पुडुचेरी ते कारइक्काल च अज्ज किश थाहरें पर भारी वरखा पौने दा अनुमान जाहिर कीता ऐ। आंध्र प्रदेश, केरल, माहे ते दक्षिणी आंतरिक कर्नाटक च अज्ज किश थाहरें पर गरज कन्नै हल्की बरखा ते बिजली चमकने दी पेशगोई कीती ऐ। मौसम विभाग नै अगले 48 घंटें दौरान मध्य भारत च धट्टोघट्ट तापमान च दो सोयां चार डिग्री सेल्सियस दी गिरावट दी संभावना जताई ऐ। इस दौरान दिल्ली-एनसीआर क्षेत्र च हवा दी गुणवत्ता बेहद खराब श्रेणी च बनी दी ऐ। केंद्रीय प्रदूषण नियंत्रण बोर्ड मूजब कल संजा 6 बजे औसत वायु गुणवत्ता सूचकांक-ए.क्यू.आई तीन सौ 10 दर्ज कीता गेआ।



## Poonch-Firecrackers

पुंछ दे डिस्ट्रिक्ट मजिस्ट्रेट अशोक कुमार शर्मा होरें जिले च अगले हुकमै तगर पटाखें दी बिक्री ते इस्तेमाल पर पूरी चाल्ली पाबंदी लाई दिती ऐ। एहू फैसला एस.एस.पी पुलस आसेआ दिती गेदी इक रिपोर्ट मगरा आया जेदे च ब्याहें आहले दिनें दरान पटाखें दे इस्तेमाल दी गल्ल कीती गेदी ऐ जेदे च सेना ते सुरक्षाबलें गी गलतफहमी होई सकदी ऐ या फही उन्दे लेई यक्कोतक्की आहली स्थिति बनी सकदी ऐ। आतंकवाद या फही गोलीबारी सरबंधी कुसै बी घटना दरान सुरक्षाबलें दी कार्रवाई पर पटाखे चलाने करी असर पेई सकदा ऐ। भारती नागरिक सुरक्षा संहिता दी दफा 163 तैहत एहू पाबंदी लाई गेदी ऐ। अधिकारिणं गी आखेआ गेआ ऐ जे ओहू इस बारै जागरूकता फैलान। हुकमै दी खिलाफवर्जी करने आहलें कन्नै सख्ती नै निब्वडेआ जाग।



## Sheetal Asia Cup

विश्व चैम्पियन पैरा-तीरअंदाज शीतल देवी होरें वीरवार गी इक होर बाधा गी पार कित्ता। ओ पैहली भारतीय पैरा-एथलीट बनी गेइयां न-जिने शारीरिक रुपै नै सक्षम अंतराष्ट्रीय प्रतियोगिता लेई चुनेया गया ऐ। शीतल होरें अगले महीने Jeddah च होने आहले एशिया कप State-3 लेई जूनियर तीरअंदाजी टीम च थाहर बनाई ऐ। जम्मू-कश्मीर दी रौहने आहली शीतल होरें 4 दिने दे सलैक्शन ट्रायल च हिस्सा लैने दे बाद जूनियर महिला Compound Ranking च थाहर बनाई।

